



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

CXXVII. Confirmatur patentes Ministri Generalis Ordinis Fratrum Minorum
Sancti Francisci de Observantia Literæ, quibus nonnulli Ordinis sui religiosi
deputantur ad quæstuandum in certis statutis ...

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

esse, suosque plenarios & integros effectus in omnibus & per omnia fortiri & obtinere, ac eidem Congregationi Boni Regiminis, aliisque, ad quos nunc spectat & pro tempore quomodolibet spectabit in futurum, in omnibus & per omnia plenissime suffragari, ac a Communitatum seu Univerſitatum prædictarum Officialibus & Ministris supradictis, illarumque debitoribus, etiam, ut præfertur, qualificatis prædictis, inviolabiliter observari & adimpleri, nec ab eisdem præsentibus ullo unquam tempore resliri aut recedi posse: & quidquid secus super his a quoquam quavis auctoritate scienter vel ignoranter contigerit attentari, irritum & inane decernimus.

Specialis obſtantium omnium derogatio.

§. 11. Non obstantibus, quatenus opus sit, Noſtræ & Cancellariæ Apoſtolicæ Regula, ac piæ me. Pii Papæ Quarti, etiam prædeceſſoris Noſtri, de gratiis, intereſſe Camera Apoſtolicæ quomodolibet concernentibus, in eadem Camera infra certum tunc expreſſum tempus regiſtrandis ac inſinuandis, aliisque Conſtitutionibus & Ordinationibus Apoſtolicis dictarum Communitatum seu Univerſitatum Status Eccleſiaſtici prædicti, etiam juramento, confirmatione Apoſtolica, vel quavis firmitate alia roboratis ſtatutis, & conſuetudinibus, privilegiis quoque, indultis, & literis Apoſtolicis, eiſdem Communitatibus seu Univerſitatibus, aut illarum Officialibus & Ministris ſupradictis, necnon Camerario, Theſaurario generali Camera Apoſtolicæ, ejuſque Curie Cauſarum generali Auditori, aut Præſidentibus Clericis, & Cauſarum dicti Palatii Auditoribus, & etiam in vim dictarum regularum prædictæ S. R. Eccleſiæ Cardinalibus, etiam de latere Legatis, competentibus, aliisque Cardinalium Congregationibus prædictis, & quibuſvis aliis perſonis, ac etiam Societatibus, Collegiis, Hoſpitalibus utriuſque ſexus, Monafteriis, Eccleſiis, & piis Locis quibuſcumque, aliis in contrarium præmiſſorum quomodolibet conſeſſis. Quibus omnibus & ſingulis, etiamſi de illis eorumque totis tenoribus ſpecialis, ſpecifica, expreſſa & individua, ac de verbo ad verbum, non autem per clauſulas generales mentio ſeu quavis alia expreſſio faciendæ & habendæ, aut aliqua alia exquiſita forma ad hoc ſervandæ foret, eorum omnium & ſingulorum tenores eiſdem præſentibus etiam pro plene & ſufficienter expreſſis habentes, illis aliis in ſuo robore permanſuris, latiffime & pleniffime, ac ſpecialiter & expreſſe, motu, ſcientia, & poteſtatis plenitudine ſimilibus derogamus, cæteriſque contrariis quibuſcumque; Aut ſi aliquibus communiter, aut diſiſim ab eadem ſit Sede indultum, quod interdici, ſuſpendi, vel excommunicari non poſſint, per Literas Apoſtolicas non facientes plenam & expreſſam, ac de verbo ad verbum de indulto huiusmodi mentionem.

Fides Tranſumptorum.

§. 12. Volumus autem, ut earumdem præſentium tranſumptis, etiam typis impreſſis, & ſigillo alicujus in Dignitate Eccleſiaſtica conſtituti munitis, eadem proſus fides in iudicio & extra illud adhibeatur, quæ ipſis præſentibus adhiberetur, ſi illæ exhibitæ forent vel oſtenſæ.

§. 13. Nulli ergo omnino hominum liceat, hanc paginam noſtræ confirmationis, approbationis, roboris, adjectionis, defectuum ſuppletionis, declarationis, conſeſſionis, indulti, decreti, derogationis, & voluntatis, infringere, vel ei aſu temerario contraire.

Si quis autem hoc attentare præſumpſerit, indignationem Omnipotentis Dei, ac Beatorum Petri & Pauli Apoſtolorum ejus ſe noverit incurſurum.

Datum Romæ apud Sanctam Mariam Majorem Anno Incarnationis Dominicæ milleſimo

ſeptingenteſimo trigeſimo quarto, pridie Idus Februarii, Pontificatus Noſtri Anno Quarto.

A. Card. Pro-Datarius,

F. Card. Oliverius,

V I S A

De Curia J. Archiepiſcopus Ancyranus.

Loco ✕ Plumbi.

D. Scivanus.

Regiſtrata in Secretaria Brevium.

Confirmantur patentes Miniſtri Generalis Ordinis Fratrum Minorum Sancti Franciſci de Obſervantia Literæ, quibus nonnulli Ordinis ſui Religioſi deputantur ad quæſtuandum in certis ſtatutis Provinciis pro conſervatione Terræ Sanctæ.

CXXVII.

CLEMENS PAPA XII.

Ad futuram rei memoriam.

Dat. die 13. Feb. 1734. Pont. An. IV.

§. 1. Exponi Nobis nuper fecit dilectus filius modernus Commiſſarius Generalis Terræ Sanctæ in Romana Curia Ordinis Fratrum Minorum Sancti Franciſci, de Obſervantia nuncupatorum, quod dilectus pariter filius Joannes de Soto Miniſter Generalis dicti Ordinis per ſuas patentes Literas Miniſtris Provincialibus Provinciarum Aratidæ, Sancti Antonii Capatior, Pietatis, & Conceptionis della Veira, & Alynho directas, eos rogavit, monuit, & hortatus fuit, ut pro conſervatione locorum ejuſdem Terræ Sanctæ, Commiſſario dictæ Terræ Sanctæ, Matriri residenti, Religioſos uniuſcujuſque Provinciæ, qui qualitatibus ad id neceſſariis prædicti ſint, ſuper quæſtuatione eleemoſynarum pro eiſdem locis deputent & deputare teneantur; & aliis, prout uberius continetur in ipſius Joannis Miniſtri Generalis literis patentibus, deſuper emanatis, ex idiomate hispanico in latinum verſis tenoris, qui ſequitur, videlicet:

Literæ Patentales Miniſtri Generalis, de hispanico in latinum idioma traductæ, ſunt tenoris ſequentis.

Fr. Joannes de Soto Lector Jubilatus, Theologus Majeſtatis ſuæ, & congreſſus Immaculatæ Conceptionis, Miniſter Generalis totius Ordinis S. P. N. Franciſci, & Servus &c.

Literæ, de quibus in Rubrica.

RR. PP. Provincialibus præſentibus & futuris Provinciarum noſtrarum Arabidæ, Sancti Antonii Capatior. - Pietatis, & Conceptionis della Veira, & Alynho, ſalutem & pacem in Domino Noſtro Jeſu Chriſto.

Quoniam inter ea, quibus noſtra Seraphica Religio curam & ſolicitudinem majori vigilantia impendere debet, potiſſima eſt conſervatio SS. Locorum, Terræ Sanctæ major cultus, & aſſiſtentia Religioſorum in illis residentium, in cujus ſinem opus eſt deputare Religioſos, qui curam aſſumant & habeant, eleemoſinas in hiſce Regnis, necnon Braſili, quæſtuandi, & eas a fidelibus, ut moris eſt, colligendi; & quia æquum ac juſtum eſt, ut omnes & ſingulæ Provinciæ in tam ſanctum Opus concurrant: cunctarum quidem honor eſt, ſacræ Cuſtodie at-

que Sanctorum Locorum manentio, in quibus Redemptio nostra operata est. Inde presentium vigore rogamus, monemus, & exhortamur RR. PP. VV. in visceribus Jesu Christi, ne se excusent, ac retrahant in cooperando, quantum valeant ad praefatum effectum, concedentes ac designantes R. P. Commissario Terrae Sanctae Religiosos uniuscujusque Provinciae nostrae ad instantiam & beneplacitum ejusdem P. Commissarii in quaestores elemosynarum tam in eo Regno quam Brasili, aliisque Ditionibus, & quidem eos, qui qualitatibus ad id necessariis & opportunis sint praediti, uti de zelo & religiositate PP. VV. confidere debemus. Quibus paternam nostram benedictionem impertimur.

Datum in hoc nostro Conventu Sancti Francisci Mariti die 18. Septembris 1733.

Fr. Joannes Soto Minister Generalis.

De mandato S. P. Reverendissimae Fr. Didacus Spinosa Secretarius Generalis Ordinis.

§. 2. Cum autem, sicut eadem expositio sub-jungebat, praedictus modernus Commissarius Generalis, exponens praemissa, quod firmiter subsistant, & serventur exactius, Apostolica confirmationis nostrae patrocinio communiri summo-pere desideret; Nos ipsius moderni Commissarii Generalis exponentis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet inodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus, ejus nomine Nobis super hoc humiliter porrectis, inclinatis, praesertim ejusdem Joannis Ministri Generalis literas patentes, auctoritate Apostolica tenore praesentium confirmamus & approbamus; illisque inviolabilis Apostolicae firmitatis robur adjicimus; ac omnes & singulos juris & facti defectus, si qui desuper quomodolibet intervenerint, supplemus.

§. 3. Decernentes, easdem praesentes literas semper firmas validas & efficaces existere & fore, suosque plenarios & integros effectus fortiri & obtinere; ac illis, ad quos spectat & pro tempore spectabit, plenissime suffragari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere, ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, necnon, quatenus opus sit, Ordinis & Provinciarum hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis; Quibus omnibus & singulis, illorum tenores praesentibus pro plene & sufficienter expressis ac ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud Sanctam Mariam Majoram sub Annulo Piscatoris die 13. Februarii 1734. Pontificatus Nostri Anno Quarto.

F. Card. Oliverius.

Confirmantur privilegia, gratiae, facultates, & indulta Collegii Montis Alti Civitatis Bononien. ac praecipue quae Cardinali Protectori concessa sunt.

C L E M E N S P A P A X I I .

Ad perpetuam rei memoriam.

EX injuncto Nobis calitis Apostolicae servitutis munere illa, quae ex circumsperta Romanorum Pontificum Praedecessorum Nostrorum providentia in favorem ac commodum Collegiorum ad rectam piamque Juventutis educationem, & literarum Studii, aliisque laudabilibus Disciplinis instructionem, ubique, ac praesertim in temporali Sanctae Romanae Ecclesiae Ditione institutorum salubri consilio emanasse noscuntur, ut firma semper atque illibata persistant, Apostolici muniminis nostri praesidio, cum a nobis petitur, libenter corroboramus.

§. 1. Dudum siquidem fel. record. Sixtus PP. V. Praedecessor Noster, Collegium Montis Alti nuncupatum in Civitate Bononien. a se fundatum & erectum, illiusque Rectorem, Scholares, Cappellanos, Oeconomos, Officiales, Ministros, ac personas & bona universa ab omni pro tempore existentium Sedis Apostolicae in praedicta Civitate Bononien. de latere Legati, & Archiepiscopi Bononien. & quorumvis aliorum Judicum superioritate & jurisdictione: necnon a quorumcumque pedagiorum impositione, ac subsidiorum solutione exempti: ipsique Collegio, ejusque Colonis, Conductoribus, & Emphyteutis frumenta, aliasque fruges ex possessionibus dicti Collegii provenientes de quibusvis Provinciis, Terris, & Locis, eidem Romanae Ecclesiae mediate vel immediate subjectis, cujusvis licentia desuper minime requisita, & absque alicujus pecuniae vel alterius rei solutione & praestatione extrahendi, & ad praedictum Collegium pro illius usu conducendi, & etiam illas in praefata Civitate Bononien. illiusque Comitatu, ac reliquo Statu Ecclesiastico vendendi, & de illis ad eorum libitum disponendi: pro tempore vero aliter existenti Sanctae Romanae Ecclesiae Cardinali ejusdem Collegii Protectori ac Judici ordinario, Officiales & Ministros deputandi, statuta condendi, omnesque lites & causas civiles, criminales, & mixtas, dictum Collegium illiusque personas, res & bona quomodolibet concernentes, tam activas quam passivas, etiam illas a quibuslibet Judicibus avocando, privative quoad omnes & singulos alios Judices ordinarios & delegatos eorumque Curias, & Tribunalia audiendi, cognoscendi, & sine debito terminandi facultatem tribuit: diversaque habeat privilegia, facultates, praerogativas, gratias, & indulta eidem Collegio illiusque personis, rebus & bonis concessit ac largitus est, & alias, prout in ipsius Sixti Praedecessoris literis desuper sub plumbo anno Incarnationis Dominicae 1588. decimoquinto Kal. Decembris expeditis, quarum tenorem praesentibus pro plene & sufficienter expresso ac de verbo ad verbum inserto haberi volumus, uberius continetur.

§. 2. Cum autem, sicut dilecti filii Rector & Scholares Collegii praedicti Nobis nuper exponi fecerunt, praefati Sixti Praedecessoris literae, ac in eis contenta, haecenus illibate, ut par erat observata, fuerint, ac etiamnum plenum obtineant vigorem: privativaque jurisdictione Cardinali Protectori, sicut praemittitur, attributa geminis etiam rescriptis Signaturae Justitiae, ac novissime decreto

CXXVIII.

Dat. die 16.
Feb. 1734.
Pont. An. IV.

Exordium.

Collegium
hoc a Sixto
PP. V. fun-
datum.Et privilegiis
ornatum.Privativa
Cardinali
Protectori
attributa ju-
risdictio.

per